



21306

kat. komp.

III

Mag. St. Dr.

P

*Prokopowii Casimiri: Cursus honoris et glorie  
ingentibus virtutum meritorumque pasibus  
A. M. Matthias Projecki consummatus.*

PANEG. et VITAE

Polon. Fol.

№ 1066.



F  
Ing

L

F

SAC

DO

M

f

C

Al

In

In

SAC

In fr

M.

*Philos*

782-10



CURSUS  
HONORIS ET GLORIÆ,  
Ingentibus Virtutum, Meritorūq; passibus,  
*Perillustres, Clarissimi, & Admodum Reverendi Domini,*  
D. M. MATTHIÆ  
PSOIECKI,

SACRÆ THEOLOGIÆ, ET UTRIUSq; JURIS  
DOCTORIS & PROFESSORIS, COLLEGÆ  
MAIORIS, PROTONOTARII APOSTOLICI, Eccle-  
siæ Collægiatæ S. FLORIANI CANONICI,  
CURATI in Ośiek, Contubernij Jagelloniani PROVISORIS,  
Almæ Vniversitatis Cracoviensis, GENERALIS PROCURATORIS;

ad Theologiam usq; Cathedram

CONSUMMATVS:

DUM

In Alma Vniversitate Cracoviensi,

PRO LOCO

Inter Perillustres, & Adm Rñdos Dños,  
SACRÆ THEOLOGIÆ DOCTORES,  
In frequentissimo Nobilissimorū Hospitum confessu,  
& inter Solennes Academicorum Ordinum applausus

RESPONDERET,

M. CASIMIRO PROKOPOWIC,  
*Philosophiæ Doctore, Collegij Novodvorsiani Rhetorices Professore,*  
officiosæ Venerationis cultu & elogio,

DEMONSTRATVS.

Anno Domini, 1691. Die 6. Septembr.

CRACOVIAE TYPIS VNIVERSITATIS.



21.306 III

782-10968



# CURSUS HONORIS ET GLORIÆ.

**E**xcellsa animi magnitudine, ad certamen gloriæ provocari,  
& augustum honoris iter,  
heroico Virtutum metiri cursu;  
ea demum ad mansuri immortalitatem Nominis & famæ,  
tutissima via est.

**Spontè cedunt Virtuti,**

quæ ubiq; terrarum objacent monstra enormia:

Caucasus ipse non riget amplius;

sed evicti jure hospitij, nativam asperitatem exuit, datq; se calcadū,

& non mugit adversus Virtutem;

licet sæpius oblatrantibus resistat Scyllis,

& contra insolentiam Aquilonis reboet.

*Optimè reſeratis paſſibus in metam itur;*

*nullus obex, lævaq; Numina præcludunt iter currentibus:*

*nulla Sphynx invidiæ viam obſidet,*

*quos excelsa Virtus,*

*Et ingens famæ immortalis ardor,*

*per ſuppoſitos doloſo Cineri ignes,*

*perq; improbi laboris technas,*

*ad pulchram honoris ſtationem, laureatis paſſibus ducit.*

Ab hac tamen exoptata hæreditate gloriæ,

imbelles animas, summus arcet labor,

& dubio remorans in cursu, clavos figit trabales.

*Vtiq; non molli veſtigio,*

*aut Cothurnato Paphia inceſſu collimandum eſt,*

*vbi ſupra cuiuſq; ſublinitatis caput emineas,*

*Et æterna famæ ſacula vivas.*

Solcatâ Virtute luctandum eſt,

& per ſcuta reptandum,

perq; inſtruetiſſimas jaculis invidiæ pharetras;

ut in Tui amorem omnium vota conſpirent;

ipſeq; ſativum in Capitolio gloriæ recinas triumphū.

Ita,

Hospes in Regno Neptuni, benè decurrit ad metam gloriæ Vlyſſes,

& ſolâ animi magnitudine,

adver-



adversus quævis Oceani pericula audax,  
non portenta Nerei, neq; Circes pocula timens,  
non ignavus Heros,

magnæ Virtutis opinionem, seculis de se fecit.  
vetusta Orbis posteritati secula dicant,

& longa ævi memoria narret,

quid illustre Nomen Gloriæ,

& famæ immortalitatem,

Sapientibus, heroicisq; mentibus olim affinxit?

nisi animus magnorum operum capacissimus,

& in omnem casum genius audax.

Equidem

Alexandrum Olympia, sed magnum Bellona genuit:

Manlium enutrivit Roma, sed Torquatum ornavit Gradivus.

Athenæ Platonem, sed Divinum dedit Sapia:

Ignobilis Civitas Tullium suis fovit in cunis,

sed Roma in rostris Patrem Patriæ, & Parentē Eloquentiæ salutavit.

Ita fanè

*non iuvat ex facili lecta Corona iugo;*

*sed iuvant benè sudati ad Coronam labores.*

*Si cursu & virtute simul Athletas Olympicos vincere cupis,*

*primus ante alios lampada frangas:*

*Si pæana, concentusq; suaves Victoriæ exaudire satagis,*

*longo sepultam otio expunge ignaviam,*

*& votum animi muta.*

Etenim,

*ignava fortes fata sape consumunt Viros,*

*illeq; tantum felix dicitur,*

*quisquis ex certamine Martis, ad Trojam jacer.*

Neque Tu,

inter bivia tam ardui laboris hæsissti,

Luctator Athleta;

verum his Laureatis passibus decurrens,

ut maximi Heroum solent,

gratissimo Virtutum & Sapientiæ tractus illicio,

grandem fecisti Cursum ad Gloriam;

& jam secundam DEVM Immortalem,



optatam Theologici Honoris metam obtines,  
*Perillustis, Clarissime, & Admodum Reverende Domine,*

**D. MATTHIA PSOIECKI,**  
**felix Divinæ Comprehensor Sapientiæ.**

Dulcedo hæc, & amor non morientis famæ,  
adhuc in cunis, & in sinu Lucinæ Tux,  
traxit Te ad cursum Gloriæ;

sed quia supremas naturæ noluisti violare leges,  
Nobili tamen sanguine, generisq; pretio, & insignibus auctus,  
distulisti quidem ad prætextam usq; futuri Tui operis negotium;  
sed tenerrimâ Indole vivam & calentem spirans Virtutem,  
potuisti exemplo factoque Alcidae,  
exsibilantes suffocasse colubros,  
si casus, & sollicita circa Te magnorum providentia Parentum, permisisset.

*Prodit se quippe Virtus,  
& animus magnitudinis capax,  
etiam inter fasciarum nexus:  
nec opus est prodigijs,*

*ut Virtuti & excellentia eorum fidem asseras,  
qui augusti semina honoris,*

*Sanguinem, Nomenq; ipsum Nobile à Parentibus sortiuntur.*

Ipsi tantum Servio, cui servum contigit Genus,

& nulla Nobilitatis claritas affulsit,

opus est nitentibus Caput circa radijs,

ut Tanaquil felix præsagium rata,

Tullium nutriat in Regem.

**Tu Vir Sapientissime,**

adæquasti optimam quamq; felicitatem nascendi,

& auspicaâ Tuæ Nobilitatis Sorte,

& arcanâ destinatione Numinis.

Etiam prodigiosi in Cunis Tibi fulsere ignes,

tantoq; Vestalibus diviniore;

quantò magis sacratoribus flammis,

cor & mentem ad immortales inflammârunt ausus,

& sacrosanctæ Fidei gratiam, imis Tuis instillârunt præcordijs.

*His Divinioribus stimulus actus,*

*non moras duxisti inertes;*

*sed*



*sed longa Studiorum Olympia exorsus,  
non obliquo pede decurrebas ludos Palladis,  
lentâq; fortiter decertans arenâ,  
palmas ex Cursu nobiles colligebas Victor.*

**Nondum Tua ferebat ætas,**

tam vastis passibus expansum metiri Campum;  
nullibi tamen in Cursu Gloriæ victus,  
aut inter angustias difficultatum prolapsus, quadrupes reptâs  
monitus animi magnitudine, & heroico virtutis impulsu,  
forsan ideo;

ne de Te involutum Oedipus ænigma,  
quod nempe esset animal quadrupes in adolescentia,  
monstro solveret.

Excipi nimirum ab omni fortunæ lapsu,  
fragilibus adolescentiæ annis debueras,  
qui supra caput omnium,

Masculâ virtute, & fortitudine,  
etiam in adolescentia Cursum Gloriæ decurristi.

**Vocabant Te Maxime Doctor,**

Libera in diversum mentis Tuæ studia & vota,  
ut lætioris ætatis genius est;

sed non potuerunt abstraxisse virtutem,  
à pulchra Contentione Gloriæ,  
quia Tu semper,

non dubia contemplatione rerum,

& magno appetitu Sapientiæ,

ut Philippus olim stellas pro meta præfigens,  
celeres votorum ad Cælum usq; ejaculabaris sagittas,  
& ferebaris stenuo calle eò gloriosius,  
quò magis festinato cursu, altius surgebas.

*Minor quippe occupat, ut vitam;*

*maxima sollicitudo, ut altissima quæq; cupiant mortales.*

Non infima secutus,

ubiq; eminebas speciosus omni honore,

maximè in Sapientia sublimis,

prudenter & serio intellexisti,

*tolerabiliorem culpâ esse non vivere, quàm nescire.*



Idem Tibi honestissimas artes discendi erat, ac currendi modus.

Ideo;

festinatum laboris ac studiorum curriculum,

differe aut procrastinare impatiens,

Scientiarum & Sapientiæ prouidus,

Tuomet docuisti cæteros exemplo:

*in præteritum ne DEOS quidem succurrere posse.*

Verum,

Siste gradum Perillustris & Admodum Reuerende D.

& Te ex certamine Cursuq; Palladis,

intuere gaudeq; Victorem?

Dignum est.

Vt in stadio Sapientiæ,

Te inuictum Athletam,

Sacrarum Pandora Virtutum,

& diuinioris scaturigo sapientiæ,

Alma Vniuersitas Cracouiensis,

Doctæ folijs exernet Mineræ:

contemplare Te parum in triumpho Tuo?

Iam Tua lambunt tempora hedere sequaces,

& Caput ipso Ioue dignum,

Doctōratūs, in Philosophia, Laureæ præcingit.

verum non Te vllæ voces,

non grata non remoratur voluptas honoris,

immò longius ducit sui immemorem,

& augustiorem ad gloriam aperit Campum.

*Hæc inest semper humanis vis irrequieta ingenis;*

*ut modum nesciant, & infinitè cogitent,*

*licet sui limitibus circumscripta sint.*

cogitat quisq; mortaliū,

non quomodo Ipse non vanas capter;

sed an benè suis votis, quæ sit dignatio boni correspondeat;

atque hinc omnium infinita honoris volitio est.

Non improbasti sapienti mentis Tux oraculo,

Vir Maxime?

placere votis hominum Honorem & possessionem Gloriz,

nulla



du.  
nulla tamen hæc Tibi placuit messis,  
ad quam nulla vestigia laboris, cursumq;  
operosis tramitibus non fecisti.

OMO  
Tam strenuis in sapientia conatibus,  
etiam Magnatibus placens,  
adeo perdifficili meruisti certamine;  
ut Heroum Filios,  
pulchrum Gloriz Cursum erudires.

Atq; imprimis,

le D.  
**Illustrissima Domus Donhoffiorum,**

Te victorem in certamine sapientia admirata,  
Paruum Tuz Sapientissima disciplina Herculem concredidit,  
& fidem suæ in Te benevolentia,

Capite Domus obligans,  
tanto intensius Heroicam virtutem in Te amavit;  
quanto oculatius aduertit Te non solū magis idoneū Erymāthi aprisp  
Sed Nemeis etiam leonibus, cursu vincendis.

**Neq; poenituit Illustrissimam Domum,**

suorum ante votorum;  
neq; Te suscepti puduit laboris.  
Præiuvisti ita dextro Hercule A dolescenti,  
ut ille nunc in Republica Polona,  
Magno exercitatus in cursu,  
cuiquam eminentiori, si cupiat, anteire possit.  
Heroicum Gloriz cursum,

Magnis Tuis consummatum virtutum & meritorum passibus,  
vel exinde Sapientia Orbis metiri potest,  
quod etiam & innocentes Agnos,  
palmaribus Tuis vestigijs, ad gloriam traxisti.

**Zalusciorem hic Aries est,**

quem ludos Palladis docuisti currere;  
licet cornibus in hostes potens,  
& aureo vellere Patriam ditans,  
ipsis etiam par Leonibus habeatur;

Tuam nihilominus sub custodiam datus,  
felici institutione, ad honoris & Gloriz stationem ducurrit.



Quidquid ingenij, comitatis, excellentiæ,  
Sapientiæ, virtutum, & innocentiae vitæ,  
*In Illustrissimo & Reuerendissimo Domino.*

**D. ANDREA CHRYSOSTHOMO  
ZALVSKI,**  
Infula Camenecensis suspicit & collaudat  
Tuum est.

*Perillustris & Admodum Reuerende Domine.*

Sed quid Te soli Poloniae loquar?  
qui toti Europæo cognitus Orbi,  
multorum linguas in laudes Tuas & encomia aduertisti victor,  
& non vnum æmulatione immortalis famæ,  
ad Cursum Gloriæ prouocasti,

*Vnus virtuti Tuae Polonus non suffecit Orbis,*  
qui Illustrissimæ & Excellentissimæ Domui  
**LVBOMIRSCIORVM,**  
in delicio habitus,

*cum Illustrissimo & Excellentissimo Domino,*

**D. IOSEPHO LVBOMIRSKI,**  
S. R. I. Principe,

Supremo Regni Stabuli Præfecto,  
Germaniam, Galliam, Belgium, Italiam,  
glorioso peragasti cursu.

*nec vanus & infaustus hic Tuus ibidem labor erat.*  
decurristi etenim optatissimè,  
in Romana Sapientia, ad metam Theologici honoris;  
atq; Iuris diuinior Interpres Doctorq; factus,  
innumeros Illustrissimæ Domûs in Te deruasti fauores.

*Placuit in Te sibi nimium docta in vrbe sapientia;*  
ideoq; excellentem Tibi destinasset honoris stationem,

nisi Te Sapientum expectatio Virorum,  
& vota Almæ Vniuersitatis Cracouiensis,  
in Regnum Sapientiæ reuocarent,

vt tandem post ardui laboris moles,  
nouî comprehensor honoris, in meta quiesceres.



egit pro Te publicis sapientiæ comitijs,  
**Summus Virorum Makouijs,**

cunctaq; Vniuersitatis togata subfellia,  
in eius sententiam iuere,

Te primo Minoris, deinde Maioris Collegij,  
Sapientissimum Accolam dicendo.

O quàm dulciter nouis plausibus, sapiens Musarum Helicon  
personuit.

dum Te absentem in Regnum sapientiæ Ciuem, Patres legerunt.

Restitutus tandem Patriæ & Academiæ,

non quieuisti à Cursu Gloriæ,

qui in Professione Philosophica,

maxima laboris stadia emensus,

ad Theologicam Cathedram vocatus,

Cunctorum animos in admirationem & stuporem rapuisti;

quomodo sufficeres,

tot curas tantâq; sollicitudinē, pro Domo, Regnoq; Sapietiæ portans

Vidit enim non semel Te Augusta Polonæ Reipublicæ Maiestas,

totq; Regni Comitijs, atq; Comitiosis,

disertum pro Vniuersitate Cyneam audiuit.

*Quantus vigor animi,*

*quanta virtutum & Sapientiæ opes,*

generosi pectoris Tui domicilium implerunt,

gloriosa Theologica Tua Professio,

& togata ubiq; negotia loquuntur.

**Cursus hic Tuus Perillustris Domine,**

Ita me Phæbus amet,

vsq; ad metam honoris & gloriæ,

non sine comitatu erat.

Laureatis quippe, palmaribusq; Tuis vestigijs,

ore rosas ferentes,

**insistebant Gratia:**

Cunctorum vestigabant decurrentem affectus & amor:

Sequebatur consociatio animorum,

**Votoq; multiplici.**

C

Signa.




Signabat Tua docta Vestigia,  
pulchra bonorum omnium,  
Te videndi comprehensorem gloriae sollicitudo.  
Insuper comitabatur,  
præfulgido subuecta essedo  
Spes, & faustum omen;  
quæ Tibi ad Capitolium gloriae præiuerant  
Tantâ Honoris Tui dulcedine,  
omnium quidem rapiebas corda & animos,  
adcursum Gloriae;  
Sed etiam Vota eorum sistebas,  
ceu magnete quodam, & pulchro obice aliò trahens,  
Vt Te Vniuersi stuperent,  
Tantò iucundius,  
quantò gloriosius decurtebas.  
Ex tanto ergo Gloriae & laboris certamine,  
dum Te Victorem & Triumphatorem Salutat,  
iam se Tibi pandit Theologicus honor,  
& metam immortalis famæ demonstrat;  
quam Tibi operosa virtus,  
& longa Sapientiae industria,  
tot ingentibus, speciosisq; meritis parauit.  
**Iam itaq; Celeberrime Doctor,**  
post emensa heroici Cursus Tui Olympia,  
Magno Sapientiae illatus theatro, triumphâ felicissimè,  
& ex inde ordire dies, & Annos lætitiæ?  
postquam Cursum Gloriae & honoris  
consummaueris.

Permissu Magnifici Domini  
**RECTORIS.**



*LXXII. 15. 73.*





mob

S,

1002301

Vidit 6


mè,

ALX

3

23

std/0023609



Biblioteka Jagiellońska



